


# Baibulo ja Wanache Jikumpela



Kwinani,  
musi  
wakusalala  
wa Mlungu



Jakulembegwa ni: Edward Hughes

Jakwambulaga ni: Lazarus; Alastair Paterson

Jajitichidwe ni: Sarah S.

Jagopolelaga ni: Phiri Williams


Japanganisigwe ni: Bible for Children  
[www.M1914.org](http://www.M1914.org)

©2020 Bible for Children, Inc.

Chikundisyo: Mkwete wukoto wa kulemba kapena  
kwambula ndanoji nambo ngasumisya.



Ndawi jele Yesu jiwaliji pachilambo  
chapasi, wasalile wakulijiganya  
wakwe yakwamba  
kwinani.




Wakukolasile kuti "Kunyumba ja  
Atati wangu", ni watite kwele kwana  
yimjumba yejinji.

Chimjumba  
ni nyumba  
jekulungwa soni  
jakusalala.



Kwinani kuli kwekulungwa soni  
kwakusalala mnope kupunda musi  
wine wuli wose  
wapachilambo  
chapasi.




Yesu watite, "Ngwala  
ngamlinganyichisyé malo.




Nipo pitinje kukumlinganisya malopo,  
tinjiwuja kukumpochela kukwangu."  
Yesu wapitedi kwinani ali ajimwiche  
kuwawe.



Wakulijiganya wakwe alimchilolele,  
Yesu wajigalidwe nipo liwunde  
lyampochele kumtosya  
pameso  
pawo.




Kutyochela jele ndawiji, Akilisitu  
aweles alimkukumbuchila  
chilangano cha Yesu  
chakwisa soni  
kukwajigala  
wandu wakwe.



KUSIMANIKWA  
NI AMBUJE




Yesu watite tachiyika  
mwachitwitu pali pangali  
jwakwembechela  
yakwika kwakwe.



KUSIMANIKWA  
NI AMBUJE




Nambi tiyichiwa  
kwa Akilisitu wakuwa  
nijwalakwe mkanawe  
kwika?



KUSIMANIKWA  
NI AMBUJE






Bayibulo jikusati wanganyawo  
akwawula kuja kuwa ni Yesu.


Kusama kuchilu ni  
kusimanikwa ni  
Ambuje.

**KUSIMANIKWA  
NI AMBUJE**

Chiwunukuko, buku jambesi  
mbayibulo, jikutusalila mwa  
kusalala kwa kusimonjesya  
kwa Kwinani.




Kusimonjesya kusyesyene nikwakuti  
mwapajikajikape, Kwinani uli musi wa  
Mlungu. Yelo, Mlungu alipalipose,  
nambo uchimwene  
wakwe uli  
Kwinani.




Malayika ni yosope yawumi  
yakwinani yikusa lambila  
Mlungu kwinani. Myoyo  
soni wandu wa Mlungu  
wiwawile  
nikuja  
kwinani.




Jemanjajo  
akusajimba nyimbo  
sya pajikajikape  
syakumtogolela  
Mlungu.



Malowe gane  
gamwajimo  
mwanyimbo  
syakusajimba  
naji:



WAWO WAKWENELA  
PAKUWA WAHO  
WATUWOMBWELE  
MWE NI MYASI  
JAWO ...




... KUTYOCHELA KULUKOSYO  
NI MTUNDU NIPO  
ATUTESILE MWE  
KUWA ACHIWENYE  
NI ...




... ACHIWALIMU KWA MLUNGU  
JWETU. Chiwunukulo


5:9




Masamba gakumbesi kwene kwa  
bayibulo gakulongosola kwinani kuti  
“Yelusamu Jwasambano”.




Ali jwamkulungwa mnope, mlutenje  
Iwelewu. Lutenjelu Iwamaganga  
gakusalala, gakuwala mpela ligalasi.




*Maganga gakudula gawichidwe pa  
yilimbi yalutenjelo, luli mku ng'anima  
ni wutoto wakusalala.*




Chilichose mwayipata ya msinda  
wuliwosome yapanganyidwe ni  
chisyano chekulungwa nipo chakudula  
mnope.




Yele yipata yakudulayi yikusawa  
yangawugala ndawi syosope. Kwende  
tujinjile  
tukalole...  
Woo!




Kwinani kwakusalala mnope mkati  
mwakwe. Msindawu wapanganyidwe  
ni golidi msyesyene, jwakuwala mpela  
ligalasi.




Mtamoto misewu jakwe  
japanganyidwe ni golidi.




Lusulo Iwakusalala lwa mesi gawumi  
lukusajitila kutyochela kuchitengu  
cha Mlungu.




Mali syosope sya lusulolu syana  
chitela cha wumi, chele pandanda  
chasimanikwaga mu mgunda wa  
Edeni. Chitela chelechi chili  
chakupunda.




Chikusa sogola isogosi yamitundu  
likumi kwisa jiwili jakulekangana  
lekangana, mwesi wuliwosome  
mtundu wakwe.




Masamba gachele chitela chawumi  
chi gali gakuposya ngosyo syawandu  
wamitundu mitundu.




Kwinani, lilanguka lya lyuwa pane  
mwesi lyangasosekwa.




Wuchimbi chimbi wa Mlungu  
msyenewukusagumbasya  
mwalakwemo ni lilanguka  
lyakusimonjesya ligongo lyakusalala  
kwakwe, Kwinani kwangali chilo.



Kwinani mta yinyama yakwe yili  
yakulekangana niyapachilambo  
chapasi. Yalakweyo yikusawaga  
yakusywowe kana. Makule ni ngondolo  
kulila manyasi pampepe.



Mta masimba gawukali kulya mapesi  
yalimo ni ng'ombe. Ambuje akuti,  
"ngasiwulasyana kapena konangana  
yose mwitumbi lyangu lyeswela."




Tuli tuwungunyisyé wungunyisyé,  
tukusimana kuti pana yindu yine yiyili  
kwangali  
kwinani.



Malowe gawukali gangapikanika  
mtapanandi. Pangali jwakusa  
menyana  
kulin-  
onyela.

kapena



Pangali maloko pamatanga, ligongo  
kwinani kwangali  
wawiyi.



Kwangali wawunami, wachifwamba,  
asawi kapena wandu wakusakala.

Kwinani  
kwangali  
wulemwa  
wine  
wuli  
wose.



Ni Mlungu kwinani,  
kwangali misosi-  
kwangali kulila. Ndawi  
sine wandu wa Mlungu  
akusawa alimkulila  
ligongo lyayakusawusya  
yawumi awuno.



Kwinani, Mlungu  
tachipukuta  
misosi josope.




Kwangali chiwa kwinani, yiyayi.  
Wandu wa Mlungu tachiwa mpaka  
kalakala ni Ambuje. Kwangali  
yilagasyo yine  
yiliyosome,  
kwangali  
kulila,  
kwangali  
yipwetesi  
yiliyose.




Kwangali kulwala, kwangali  
kulekangana, kwangalisoni malilo.


Jwalijosope  
kwinani ali  
jwakusengwa  
ndawi  
syosope  
ni Mlungu.



Chakusalala mnope nichakuti, kwinani  
kuli kwa achachanda ni wali wakwe  
(nachakulungwa wakwe soni)  
wakulupilila mwa Yesu  
Kilisitu kuti ali  
mkulupusyo  
soni  
nikwitichisya  
ali Ambuje  
wawo.



Kwinani kwana buku jakolanjikwa  
Buku Jawumi ja Mwanache Jwa  
Ngondolo. Buku jegumbale  
ni mena gawandu.



Ana akumanyilila kuti mena gacheni  
gali mwalakwemo? Gawosome  
wawisile chikulupi chawo  
mwa Yesu. Ana lina  
lyawo mwana  
mwalakwemo?



Malowe gakumalisya Mubayibulo  
gakwamba ya kwinani gali  
gakusangalasya mnope  
gakutuwilanjila  
kwinani.



"Msimu ni Mlombela akuti, 'mwiche!'  
Awo wakupikana ajile, 'Mwiche!'



Soni awo jiakweten jota ayiche.  
Nambosoni awo wakusosa, ajigale  
mesi gawumi mwalulele."



Kwinani, musi wakusalala wa Mlungu  
Ndano jakutyochela M'malowe ga Mlungu,  
Bayibulo,

jikusimanikwa mu

Yohane 14; 2 Akolinto 5;  
Chiwunukulo 4, 21, 22

"Chipata cha malowe gawochikusapeleka  
lilanguka." Sabuli 119:130





Pambesi



Ngani sya mbayibulo si sikutusalila ya Mlungu  
jwetu jwakusimonjesya juwatupanganyisyewe soni  
jwakusaka kuti mmwe mummanye.

Mlungu akumanyilila kuti tutesile yakusakala  
yakusatendaga sambi. Chilango chasambi ni  
chiwa, nambo Mlungu akusa mnonyelaga kwakuti  
watumisye mwanache gwakwe jumpepe, Yesu,  
kukuwa pa msalaba nikupochela chilango ligongo  
lyasambi syenu. Ni Yesu wajimwiche kuwawe  
niwapite kumangwawo kwinani. Naga mkukulupilila  
mwa Yesu nikumwenda jwalakwejo kuti  
amkululuchile sambi syenu, tachitenda yalakweyo.  
Tayiche kutama nomwe sambano nimwesoni  
timchiwa mwajwalakwejo mpaka kalakala.



Naga mkukulupililaga kuti achi chili chakuwona,  
wechetani ayi kwa Mlungu: Wakunonyelwa Yesu,  
ngukulupilila kuti kwele ali Mlungu ni wawele  
mundu kuti awile sambi syetu, soni sambano ali  
chijumi. Chonde ayiche muwumi wangu  
nikungululuchila sambi syangu kuti myoyo  
mpaka ngole soni wumi wasambano, mkuti  
lisiku line singawe niwalakwe kundawi syosope.  
Angamuchisye kuti nakulupilileje wawo nikuwa  
ni wawo mpela mwana gwawo. Ami.

Walanjeje Bayibulo nikuwecheta  
ni Mlungu lisiku nilisiku! Yohane 3:16

